

Powšitkowne WOZJEWJENJA

njedźelu, 27. januara 2013

Hłowna a wólbna zhromadźizna TCM

Lětuša hłowna zhromadźizna Towarstwa Cyrila a Metoda z.t. (TCM) budže na swjedženju jeho patronow, štwórtk, 14. februara, w Pančicach-Kukowje. Wona zahaji so z Božej mšu we 18.30 hodź. w klóšterskej cyrkwi a pokročuje so we wosadnicy. Na njej wuzwoli so nowe předsydstwo. Wšitcy člonoj towarstwa, člonoj sekcijow a korporacijow kaž tež zajimowani hosćo su wutrobnje přeprašeni.

Młodostni na zapokazanje noweho biskopa

Dekanatne dušepastyrstwo organizuje jězbu z busom na zapokazanje noweho biskopa. Holcy ze wšitkich serbskich wosadow njech wobleku so družču drastu (čorny pjezlk a wulke rubiško); hólcy njech přińdu w čornych woblekach a njesu młodžinske banery.

Po kemšach změjmy zhromadny wobjed w Drježdžanach. Přizjewjenja přijimuju so w Don Boskowym domje we Worklecach, telefonowe čisło (03 57 96) 9 55 95. Kóždeho wobdźělnika prošu wo přinošk we wysokosći džesać eurow. Bus wotjědže sobotu, 16. měrca, 8.15 hodź. z Róžanta. Nawróćimy so něhdže w 16.00 hodź.

Farar Měrćin Deleńk, dekanatny młodžinski dušepastyr

Ekumeniski nyšpor na bibliskej njedźeli

Kóžde lěto na poslednej januarskej njedźeli wopominaja katolscy, ewangelscy a prawosławni křesćenjo w Němskej Swjate pismo jako zhromadny zakład wěry. Tohodla budže tutu njedźelu, 27. januara, w 17 hodź. ekumeniski nyšpor w Budyskim klóšterku. Wšitcy su wutrobnje přeprašeni.

Maćična akademija

Dr. Annett Bržanec, wědomostnica w Serbskim instituće w Budyšinje, přednošuje štwórtk, 31. januara, w 19.30 hodź. w Budyskim hosćencu „Wjelbik“, Žitna 7, na temu „Wižone – słyšane – myslone“. Wo dženíkach Bogumiła Šwjele wot lěta 1902 do lěta 1945“. Wšitcy su wutrobnje přeprašeni.

Zhromadny dzeń za 1. a 2. lětnik

Pod hesłom „Nowy spočatk“ přeprašuje Dekanatne dušepastyrstwo šulerki a šulerjow 1. a 2. lětnika sobotu, 16. februara, wot 9 do 15 hodź. na zhromadny dzeń do Don Boskowneho domu we Worklecach. Zajimcy njech so prošu hač do wutory, 12. februara, pod telefonowym čislom (03 57 96) 8 87 07 we Worklecach přizjewja. Za wudawki dnja zhromadži so wot kóždeho wobdźělnika přinošk we wysokosći třoch eurow.

Swjaty mision w Radworju

„Wótče naš – žiwy być a wěrić w počahach“ rěka tema swjateho misiona lětsa w Radworju. Tute dny wobnowjenja a pohłubšenja we wěrje budžeja wot srjedy, 20. februara, hač do njedźele, 3. měrca. Tež wěriwi z druhich wosadow su wutrobnje na swjaty mision w Radworskej wosadže přeprašeni. Konkretny přehlad Katolski Posoł hišće wozjewi.

Serbske kemše w Drježdžanach

Serbja, jich při wuznani a přećeljo su wutrobnje přeprašeni na serbske kemše njedźelu 10. februara, w 17 hodź. do cyrkwe swjateho Antonija w Drježdžanach Löbtauwje, Bünauska dróha 10. Božu mšu woswjeći farar Gabriš Nawka. Po kemšach zetkamy so na bjesadu na farje. M. Bubnarjec

Talentowane serbske holcy pytane

Za nowu hornjoserbsku inscenaciju „Kaž w njebiesach“ pyta Němsko-serbske ludowe dźiwadlo (NSLDž) talentowane serbskorěčne holcy. Zajimče su přeprošene na casting, wutoru, 29. januara, w 17 hodź. do NSLDž na Seminarskej hasy 12 w Budyšinje. Pyta so cyłkownje šěsć holcow w starobje 6 do 10 lět. K předrěčenju měli wone spěw a baseń spřihotować. Štóž zamóže na huslach hrać, njech je sobupřinjese a štučku na nich zahraje.

Dny z wnučkami

Džědojo a wowki ze swojimi wnučkami su na zhromadne dny wot póndžele do pjatka, 11. do 15. februara, do Domu biskopa Bena w Smochćicach přeprošeni. Přizjewić měli so pod telefonowym čisłom (03 59 35)2 20. Při tym zhonja tež nadrobnosće.

Pytaja sobudžělačerku

Za Dom swjateho Jurja w Kamjencu pytamy sobudžělačerku, kotraž so wo dementnych wobydlerjow stara. Požadać smědža so rady tež njewukubłane wosoby. Zajimcy njech so prošu pisomnje přizjewja na Caritasheim St. Georg, Bernhardweg 2, 01917 Kamenz abo na info@st-georg-kamenz.de.

Wendelin Brězan, nawoda

Zhromadne posćenje

Sonja Hrjehorjowa poskićuje tež lětsa w Sulšecach zhromadne dny posćenja. Prěni kurs – přewažnje němsce – započnje so wutoru, 26. februara, a skónči so póndželu, 4. měrca, z łamanjom posćenja. Druhi kurs – přewažnje serbsce – budže wot srjedy, 6. měrca, hač do wutory, 12. měrca. Naprašowanja a přizjewjenja su móžne hač do srjedy, 20. februara, pola Sonje Hrjehorjowej, Sulšecy 42, 02997 Kulow, telefonowe čisło (03 57 25) 7 05 60.

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so bórze přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.

Zaso prawidłownje Bože mšě

W Loretskej kapali w Rumburku wotměja so zaso prawidłownje kóždu poslednju wutoru měsaca Bože služby. Prěni raz budže to wutoru, 29. januara, w 15 hodź. Wječor we 18 hodź. přeprošuje katolska wosada potom na zymske wjedženje po Loreće w swětle swěčkow. Wosebita wustajeńca wo swjatyh křižach a kapałkach Šluknovskeho wuběžka ma so wutoru, 26. měrca, wotewrić.